山庫全幸

史部

欽定四庫全書

江西通志卷一百三十六

檢計臣德生覆勘 校對官中書日潘庭筠總校官知縣日楊懋珩 **腾銀監生臣張德媽**

詳校官監察御史臣范 東

とこり良 作則萬流俱響長臨晚必則百衛齊應東瞻洪井 山者亦南國之 西通志卷一百三 11 4.17)德鎮雖林石異勢而雲霞共色長風 江西通志 一 恭带地后土所以維寧 **梁簡文帝**

多定四庫全書 奇偶有數也况大聖提象羣臣守規杜司户炳靈翰林 **曳帛之在兹西望石梁見指寶之可拾誠復慕類易悲** 嗟夫徳則有隣才不必貴昔有耕於嚴石而名動京師! 山中難久攀離結桂多見淹留 詞感帝王乃位昇武騎夫豈不遭昌運哉益時命不齊 研幾策府有重名於天下而獨秀於朝端徐陳應劉不 唐 送吉州杜司戸審言序 卷一百 三十六 陳子昻

久已日戶 在馬 · 出蒼梧漸遠帝臺半隱坐隔丹霄巴山一望魂斷禄 載東不羈之操物莫同塵合絕唱之音人皆寡和羣公 舞右琴左壺將以緩燕客之心慰越人之思杜君乃 於是邀白日藉青賴追滿湘之遊寄洞庭之樂吳依楚 龍閥茂扁舟入吳告别千秋之亭迴權五湖之曲朝 愛稱衡之俊留在京師天子以桓譚之非詢居外郡 相送駐旌益於城隅之子孤游森風帆於天際白雲自 蘭其壘何王沈謝適足靡其旗而載筆下寮三十餘 江西通志 廷

七澤之壯觀酒隱安陸蹉跎十年初嘉與季父謫長沙 术吾将老馬羣公嘉之賦詩以贈凡四十五人具題爵 琴起舞抗首高歌嗟皓首而未遇恐青春之蹉跎且欲 金月四月五百量 余小時大人令誦子虛賦私心慕之及長南遊雲夢覽 里 攜幽蘭結芳桂飲石泉以節味咏商山以卒歲返耕餌 西還時余拜見預飲林下品乃雅子嬉遊在旁今來有 秋於敬亭送從姪尚遊廬山序 K 白

次足日東京書 一世 宿願慙未歸於名山終期後來攜手五微情以送遠詩 其上有方湖石井不可得而窥馬羡君此行撫鶴長嘯 半與銀河爭流騰虹奔雷激射萬壑此宇宙之奇能也 恨丹液未就白龍來遲使人著鞭先往桃花之水孤負 方告我遠涉西登香爐長山橫蹦九江却轉瀑布天落 成鬱負壯氣吾東久矣 見爾慰心中悲道,舊破涕為笑 送洪州李別駕還任序 汪西通志 獨孤及

野音明旦將遠廬峰溫水大江間之風景可同而聽 懋修乃德恪警爾位夫亦将抑與不暇求於何有繼 及時因觀操緩之妙可以見從政之道是行也吾子其 而 其操紋如操政馬時人知其琴不知其政善而無代光 高意精是以聲全得於心而形於手故非外與所及當 多り 始以亷直街已名仕有餘力則寄傲於琴趣遠是以 不 駕者嘗幸三縣佐四郡未始不以康直為已任亦 耀故也今也來思上台解榻卿大夫士從之如 区人 ノニ đ 曲

律於會稽時人皆有豫章之得賢協律之遭遇君子 復周正之年天子以潤州刺史張公林為豫章收豫章 之人既庶且富部從事縣大夫缺而不補先以機徵協 用抒他年之相思 可乎夫子曰不然益其不患秩卑而患己素餐不患國 しこりう とう 可共由是农君子城詩以壮别且曰備祈楊黄華之韵 曰夫子刃有餘地不啻切王割小鮮而用其經無乃不 送宇文協律赴江西序 工助道志

部分四月全世 二 薛侯敦於詩固於學敏於行時然後言言而寡尤口不 遠非大夫也苟将申其道而成其務則萬里咫尺少别 不知今日斗酒明旦不共顧懷安敗名無勇也然別傷 士之不我遇患遇之而不答的有用我者吾其為執射 何有二三子其詠歌之以代雜珮 私其身也干越長路江翠幕春沈吟泰山悽愴鏡水豈 乎於是舉帆西陵是日子邁然後知大夫之感義而不 送薛處士業游廬山序 卷一百 三十六

彼安貞者其或有利涉之樞機乎趙補闕驊王侍御定 馬履痕展齒遍滿崖谷神期肸蠁恒若對面之子之往 言禄禄亦不及識其真者也為永數而薛侯居之澹如 張評事有略各以文為即記行邁之所以然余亦持片 獲心契矣苟藏器於身時行則行待之将來隱顯一致 林西林化成遺愛六寺慧遠道生二公告當眷戀於斯 君子哉若人也方以城市都於邱壑倦遊不如嘉逃是 月也拂纓上之塵西遊廬山山上有峰頂大林下有東

欽定匹庫全書 予遷客也是甘其艱子薄遊也何在斯弊况依籍門 與子中外表也親之至也異姓莫先睽隔不面老而方 本儒家之文行總貫陰陽乃王官之武備聰明精密道 南秋可畏其效如蒸其華轉鮮百霾而禽鳥欲絕曦赫 言用代疎麻瑶華之贈 而薄鲽無措易練不足以禦流汗並燎不足以敵炎気 合可為長歎息矣曷期遠會於零桂之間哉大火之交 送李校書歸江西序 百 三十六 邹

ハー・フラー こよう 不苟合真吾人之盆者也以世多故始家廬陵悲鄉國 之間為巨防馬當関越與區扼江關重阻既完且富行 洪州之為連帥也舊矣自幽薊外姦加之以師旅十年 之後非適之適我勞如何雲天並並行矣自爱 位自海乘時體命其乃光乎予屬湘東之命子有滏西 **未下妻嫂淮陰寓漂終取王侯無以風雨為晦無以名** 之眇邈想邱園以無沒羈旅南土復何言哉季子無金 送王司議李友赴洪州序 江西道志

長年之所獨悲抑同人之所增數卻史官也歲職在書 都風化以在我是以王司議得為副車况加彼數賢為 者如歸通往之今民大和會故朝廷重於鎮定咨爾宗 多 由宇下風馳境上上下之交理道彰矣良辰歲首薛公 之助理何憂乎杼軸為弊何畏乎冠賊不奔敗然則政 枝勉移獨坐之權實專方面之寄七州奔走而谷命一 法以中丞宣力王室以司議碩畫幕中予將書之行矣 **权離蒼然霜林墜葉為聚別怨既如此歲窮又如此豈** 卷一百 三干 とこの日という 道獲申十年之敬出處多故及兹再會久飽諸公之議 今日得之心包大猷口析精理可以稽合同異懸照是 自念 乎國家尚用兵車之會且思磐石之固俾賢王秉旄節 稱首於公範言之皆其細者予與公範尋世好以約交 紳冕之士角逐於名聲者必以射策東堂校文石渠為 非夫然者焯當世之譽交大府之辟疾若機響不亦宜 送許校書赴江西使府序 江西通志

置之 詎 志業而己若愀然涕下以聚散為念此可略也衆君子 思於文藻致用於政事發剛投刃固在於遠者大者庸 政俾介胄之下禮讓與行且以中庸明誠之根本覃 江西諸侯辟書四下大搜雋堂公範拭拂逢掖從容 知今兹一舉 格赴知己之命伸丈夫之志固當酌六經精義以費 送從兄顏遊江西序 非圖南之羊角邪臨收話別选以勉固 一百 次足口軍全等 | 前秦與王景略齊名而己時則道塞從古以然德與與 昔安邱敬公以王佐之才而運丁苻氏故經綸大略堙 之中未始以進趨為念鄙則不敏麤為哲九言之自十 華為航遊江湖間今將省家於上饒順流於潯陽羈旅 死不振如其來時行道可以財成家邦豈止於相區區 以居約者向二十年衮衣大帶名未登于王府方以 行蹈貞厲守師氏之訓修君子之詞慇靜而用晦誠謙 兄實承安邱之遺烈其後枝流以食舊德故兄能踐中 江西通志

後惠文持從事使者之機盜於府寺追於傳置風流不 章組風波變化以萬萬計其次或雜與諸生之徒冠柱 已矣如其地理所愿與烟霧之候皆備於詩人之思此 位而不作此二者可以書神而三復也鄙夫所獻如斯 還聲實相遠然則得喪本不足以滑曠士之慮又况今 發其或倚住名席世卿以取貴富者皆朝為屠沽夕拖 數年間戎車居天下之半故純白清静之士多鬱而不)得喪耶先師曰知足者不以羨自累行修於內者無

分りひ

略而不書 奉送從叔赴任都陽序

心德與羈卯時伏見從叔父義與君户部君送别二序 叔父端懿誠厚退然自牧博洽前載不以沽名待價為

昭穆叔父承千金廣川清水三葉紹封之慶其素履淑 自前秦安邱敬公至周干金恭公而下德善功烈辨其 行二叔父實詳言之爾來三十餘歲矣服義日茂用晦

炭定四車全書 · 如初以仁爱任即復超選部銅章列城得之不勤告季 江西通志

必干騎郊勞五漿先饋當考一畝之宫於上饒時江西 太祝陸君鴻漸以詞藝卓異為當時文人凡所至之那 哉况番君故地理通下邑其壤沃其境清惠和簡原可 父乎佐酒霑醉歌詩為禮有命曰爾宜序謹序 上介殿中蕭侍御公瑜權領是邦相得數甚會連帥 以游刃異日九江之西上百里課第於有司者其在叔 路宓不齊理蒲與單父為孔門上弟弘之在人仁遠乎 蕭侍御喜陸太祝自信州移居洪州王芝觀詩序

卷一百三十六

てきしつられたは 既成而太祝有酬和之作復往之盛粲然可觀客有前 其詞清越經若金壁得詩人之辨麗見君子之交好詩 適蕭君悦其所以然也旣展賓主之既又歌詩以將之 虚白湖水在下春物萌動時鳥變聲支頤散髮心目相 法曹掾崔君茂實文場之舊以六義為已任攘臂拔筆 至聲同而應隨故也先是嘗舎於道觀因復居之竹齊 司憲李公入覲於王蕭君領康察留府太祝亦不遠而 而為和者惟三賢師友風騷迭為强敵志之所之發為 江西通志

亭所以畅情靈滌勞苦使神王道勝冥大天倪吾徒來 幕春三月時物具舉先師達賢或風於舞雲或詠於蘭 英聲其於奇正相生質文相發若笙磬合奏組繪交映 支體於府署以簿書為拳梏有日矣故 因休沐之暇考 俾冠以序其或繼而和者用先成為次序云 君子曰侍御唱之太祝酬之法曹和之是三篇也不可 以不紀况合散出處之未始有極耶以鄙人嘗學於是 四月石雪 幕春陪諸公遊龍沙熊氏清風亭詩序 6

習於是其修身學文固加於人一等矣况其志勵於螢 寰志士得之為道機詩人得之為佳句而主人生於是 緑相與無際或孤煙歸雲明減變化耳目所及異乎人 章二江分派于趾下匡盧軍峰極目於枕上或澄波淨 之五年矣初入環堵中有琴書披篁躋石忽至兹亭都 熊氏之業之文尚兹境之幽曠合資以構之創名以識 熊氏清風亭益故容州牧戴幼公前倉部郎蕭元植賢 近郊之勝郭北五里有古龍沙龍沙北下有州人秀才

大正日日 かか

江西通志,

此亭者一生幾何是不可以不紀乃次詩于屋壁各疏 之適也至若心同於内跡胞於外交臂瞪視吾喪我於 靡常衆君子用牽乎時未始有極然異日之適非今日 **偏徵歌詩因曰自十數年間佐是府者騰陵香冥離會** 曠然取樂名教而主人趣隅拜下敬恭得禮請酌古道 身或再戰再克予與皇甫君不縣是進亦陪其數虚中 也有御史府楊君薛君環列崔君校理魏君皆以文發 雪之下業成於薪水之餘則甲科令名如在指顧是會

金好四尾白草

卷一百三十六

爵里以為清風亭故事云 故吾徒亦体幹考勝用文會友龍沙古地大江在下可 清祀嘉平著于三代益祭百種以報書表一歲之順成 以縱遠目可以滌煩襟况簪裾成列觴豆備薦酒酣神 王舉手拊節盡一日之澤遣百慮如遺二三子唯今日 次定四車全書 可以酒狂而不書是無勇也 臘日與諸公龍沙宴集序 遊大林寺序 江西通志 白居易

地聚落不同初到恍然若别造一世界者因成口號絕 孟夏如正二月天山桃始華澗草猶短人物風候與平 唯板屋木器其僧皆海東人山髙地深時節絶晚于時 大林窮遠人跡罕到環寺多清流蒼石短松瘦竹寺中 草堂歷東西二林抵化城憩峰頂登香爐峰宿大林寺 辯道深道建神照雲皋息慈寂然凡十有七人自遺爱 安定梁必復范陽張特東林寺沙門法演智滿士堅利 余與河南元集虚范陽張允中南陽張深之廣平宋郁

ノノニー

文記司事 · 自蕭魏李遊追今垂二十年寂寥無繼來者嗟乎名利 之誘人也如此時元和十一年四月九日 郎中弘簡李補闕渤三人姓名文句因與集虛輩數且 處覓不知轉入此中來旣而周覽屋壁見蕭郎中存魏 句云人間四月芳非盡山寺桃花始盛開長恨春歸無 上天文明以配我朝光照四海麗于百穀主文之臣如 曰此地實匡廬間第一境由驛路至山門曾無半日程 信州刺史府君集序 江西通志 顀

金ケロルノニー 得人翁然趨義恐在其後君既聳善心親人色與人行 與兄太沖登秀才之科蘭陵蕭茂挺目以孔門游夏官 徵細故心獲他谷竊名之黨自此而堅然則於是清響 君之如此主恩人望斯未之替竟免其官亮彼編人不 加人言勝人在位者見君之如此物惡其上自然不容 践御史左史尚書紫微郎秘書監工刑部三侍郎時謂 太皞之於勾芒先甲之士也公姓劉氏名太真天寶中 君既施政春煦物雨濡物風動物惠歸物在位者又聞 卷一百三十

馬臨終賦詩意不忘本凡古人所詠山水遊仙田家之 名山而窥洞壑者略舉奇峰紀勝境至於鬼怪不可紀 舊盧邇而不得歸朋方覺而君已致有文集三十卷遊 春秋暮矣溫溫生疾竟終餘水之上君門深而不得鄭 役文之士懼禍之不服朝夕度惕苟無深疏不敢言瑕 護賢故能成竟之大夫國有蠹如樹之有蝎不敢蔑馬 然日月有蝕五星有字故能成天之紀唐堯之時亦有 不奮哮唬有聲或以其言黷朝典賤子西嚮泣拜曰不

ここりらいさす

江西通志

十四

多分四屋五書 學窺顏子之門閱文紹陳君之骨鯁逸慕嚴光之垂釣 馬由是隱逸憔悴羔雁不行蒼山沈沈側陋不顯建中 **旄頭光明垂三十載不習俎豆化為侯王者十有八九** 忘前好得而敏之 初有峨嵋客符君發六籍掉三湘深入匡廬絕迹半紀 兄弟平生相爱手運遺札心存顧託家子諷誦嚴德不 什脫蔚羅走思以自適其可得乎奄忽之辰以况從表 送盧嶽處士符載歸蜀覲省序 崔

Carlo Little 1 之信秋九月楚人歌采蘭以送之 所以激衰俗扇清風方伯地君不以厚禮遲吾子子未 大夢君家在岷蜀展愛高堂料理賢典籍克人子幣帛 網視君超澹馆與舊遊雖笑語飲食如常終忽忽若居 **高宿五老峰下動更晦朔不理還權偶丹霄至人白鶴** 江西三年往復彭蠡未嘗不詠湖月漱天倪造符君雲 志效管寧之不敢結廬熙熙人不知其然也項子奉命 羽客寧靈芝跪天壇相顧永息乎逢瀛豈復又繁於塵 江西通志

章善笑謔言語飲酒可百觞交朋好與遊者如攀瓊村 端正之行業有操斷之利用柔則水順剛乃山峙工文 成舉手而指之我主君常侍李君以南昌軍俘辟於崔 鎮馬以禮義相推以實佐相高長城巨防懸在一士茍 君真得賢也崔君名稅字公約天質方厚氣色浮重有 人非髮彥延納失所雖地方千里財富百倍有識君子 今四方諸侯裂王土荷天爵開蓮花之府者凡五十餘 送雀副使歸洪州幕府序

多好四月在書

卷一百三十六

次足四車全書 **夫何公上才碩望作鎮兹地十四年矣急才愛士與饑** 十六年冬自洛陽抵襄州歷江夏將祇承本府之命大 然是知動公卿之顧走羣府之檄士林籍籍有自來矣 參河南府軍事割而不細曠而能斷蹤跡清直風聲鬱 坐瑶園油然竟日而不知厭也始以貞幹調補義與尉 數徵偷周旋襟期洞開況與常侍交分重邱山疆場連 渴等每賓客至登齊門下陳楊者朝損折威重降就禮 風煙見我從事暫如會面不得不留連縫緣以道平 江西通志 大

是日也或嗤九劒之躍跳 華久困適值寒食前後天野晴明衆花齊發火然雪白 茶圓又有東城石壁壁前有桃李樹千株澤國多雨芳 晝皆所以竭主人之志盡公約之歡也明發理權黯 徐行微微春風好鳥一聲為我笙鏞往復如此彌旬累 郡東有黄鶴山山中頭陀大雲精舍顥師竹院惟一 御望琴酒相與屢遊乎其間遭石而坐觸陰而息雅 之意乎絲是窮勝賞酬宴醵景無徒盡花不浪發江夏 鄙絲桐之嘈惜大夫乃減徒

分りせ

巷

會稽賀憑以著作郎出宰永新其行也其色似若有不 作之無從也請咸賦春中一物為道路之志 刻未能操觚抒思故小生敢於叙述冠於首章不知慙 樂事四者難并今實并之矣當恐後會追之不及恨恨 好輔君子以成實主之美乃所望也副相視事久困倦 正在於此耳公約得不思之乎得不念之乎展布才力 愁慕南浦悠悠别如之何於戲古人云良辰美景賞心 送賀著作憑出宰永新序

父王日奉公告 一

江西通志

多少口 之寄則早作夜止盡心以理之使訟平賦均老弱無懷 縣亦不下十十而有餘漢晉以士為之宰俾教其鑿井 古者公侯之地方百里自泰以來大縣且倍而過之 遠獨後至舉杯而前曰子母以邑小去國萬里而難 **懌者一時學省憲府之友咸共語之舉杜甫詩云樽前** 之直非以榮禄之也特養其康以教民爾士既得民社 耕田養生送死而無憾歲賦其租以供軍國且以償士 失詩流塞上得國寶乃相與賦詩送别秦東亭隴西李 Ŀ ノニード 卷一百三十六

欠己の早亡等! 今子往而宰之勿以險遠難治而自胎伊戚也以樂易 邑也僻在江南西道吾聞牛僧孺之言與荆楚為隣其 政以教之使知禮讓則尊君親上養老慈幼悉知而勸 近之均其賦息其爭因其利而役之則無怨明文王之 君子好義而尚文其小人力耕而喜關而其俗信巫鬼 地有崇山疊嶂平田沃野又有寒泉清流以灌溉之其 詐暴憎斯無愧於取直而不負其所寄矣今永新之為 悲歌激烈鳴鳴動角雞卜以祈年有屈宋之遺風馬 江西通志

遊也闌闠之旁崛起數百尺陰森竹樹掩映棟守遠而 樂其志高山流水間一動一靜居仁由義皞皞熙熙同 金岁四月日言 江南古郡表為佳麗之地若宜春臺者又郡之所謂勝 登壽域矣吾屬在憲府與考績點陟之事待子三載而 於為善自無懷詐暴憎之習矣然後手揮五經丁堂上 來歸報政也勉之行無忌 宋 題宜春臺序 卷一百 三十六 劉嗣隆

者鴻儒巨賢清塵相望又郡之人盧肇袁皓輩皆魁傑 之高而名之美也徘徊終日欣然忘歸庭廊之間惟相 歲自臨川奉的移領是都下車事簡首登斯臺愛其臺 若根盤里卷之間影落軒窗之裏則未之見也其甲子 望之峻不可陟按磐徐行坦如平地周覽川原下望人 煙四時佳景羅列目前為一州之壯觀萬象之遊息矣 國王欽若寄題詩一首在馬重念由韓吏部而下為郡 夫名山異景在處有之而皆出於郊野之外巖谷之邃

久足口野上生

江西通志

之末亦自類乎發潛者其屬而和之者凡八人雪勝縣 者某因成七言四韻詩一首題其上雖不足以繼風雅 人口又丹青者畫其圖傳之天下何幸與不幸有如此 露典之迹豈足與夫斯臺爭勝哉而王勃為之序播在 使晚煙幕雲咸有鬱鬱之狀嘉木修篁如聞太息之聲 且世之言南昌滕王閣者衆矣觀其雉堞之上閒其無 耶抑不為好事者所保有所遺隆耶不知其果如何徒 士也無隻文片字書其上豈好奇逐勝之心有所未至 卷一百 三十六

金りロガと言

えんしつらい とこれら 該日有司有法奈不中何有司固不自任其責而天下 得良有司不過反同衆人數嗟愛惜若取舎非己事者 之人亦不以青有司皆曰其不中法也不幸有司尺度 魁壘拔出之材其一衆黍不中尺度則棄不敢取幸而 司級羣材操尺度縣以一法考其不中者而棄之雖有 廣文曾生來自南豐入太學與其諸生羣進于有司有 之遺慎補前賢之闕筆亦詩人之職也 送曾翠秀才序 江西恵志 歐陽修 Ŧ

京師京師之人無求曾生者然曾生亦不以干也予豈 敢求生而生辱以顏予是京師之人既不求之而有司 則已使一有獲則豈不多耶曾生豪其文數十萬言來 初駭其文又壮其志夫農不於歲而當播是勤其水旱 不非同進不罪有司告予以歸思廣其學而堅其守予 其於小者亦可以中尺度而有司棄之可怪也然曾生 何其久而不思革也况若曾生之業其大者固已魁壘 ,失手則往往失多而得少嗚呼有司所操果良法耶

金片四月百十

七一百三十六

嘗相接也其師若友豈盡同哉子考其言行其不相似 者何其少也曰學聖人而已矣學聖人則其師若友必 又失之而獨余得也於其行也遂見於文使知生者可 友之二賢人者足未嘗相過也口未當相語也解幣未 之淮之南有賢人馬字正之非今所謂賢人者予慕而 江之南有賢人馬字子固非今所謂賢人者予慕而友 以事有司而賀余之獨得也 同學一首别子固 工与更惠 王安石

有守私有繁會合不可以常也作同學一首别子固以 有至也亦願從事於左右馬爾輔而進之其可也噫官 之庭而造於其堂舎二賢人者而誰哉予非敢自必其 乎中庸而後已正之益亦嘗云爾夫安驅徐行賴中 信不疑也子固作懷友一首遺予其大略欲相板以至 學聖人者聖人之言行豈有二哉其相似也適然予在 正之子固亦以為然予又知所謂賢人者既相似又相 淮南為正之道子固正之不予疑也還江南為子固道

動好四庫全書

V,

卷一百三十六

スピの声を管 覽所謂八境者則前詩未能道其萬一也南康士大夫 南康江水歲歲壞城乳君宗翰為守始作石城至今賴 書而刻之時孔君旣沒不忍違其請紹聖元年八月 相與請於某曰詩文告嘗刻石或持以去今亡矣願復 之某為膠西守孔君實見代臨行出八境圖求文與詩 相警且相慰云 以遺南康人使刻諸石其後十七年某南遷過郡得遍 八境圖後序 江西通志 辭

多分四月百十 漢孝宣帝嘗曰與我共治者其惟良二千石乎天下之 楚取番益其事也泰并天下曰番陽縣屬九江漢更為 城春秋時為楚東境後屬吳史記言昭王十二年吳代 九日 鄱陽縣係豫章後漢建安十五年具大帝時張昭等議 廣郡有太守能用良稱者幾人哉且都陽禹貢揚州之 以豫章土廣人夥請分置廬陵都陽二郡初治部故城 范文正公都陽遺事録序 卷一百 三十六 陳貽範

於定四車全書 一人 晉虞溥隋梁文謙柳莊梁陸襄唐馬植李復七人馬求 六十有八人而比閱州圖經序賢牧內史者止吳周魴 林軍主張仁忠權知馬近元祐士申朝奉大夫那軻凡 慮近千人然施于廳壁記自開寶八年偽唐歸朝有錢 後徒吳芮城即今之所治也梁天監中置呉州陳廢為 郡隋平陳罷郡為饒州大業仍為郡唐武德四年平江 之州圃間有周處梁柳陸馬李七公與顏魯公并文正 左乃復置州則饒之為州殆四五百年矣推諸牧守無 八年 三十六

之立祠班春堂天慶觀州學之講堂凡三所由景祐距 近千人著于圖記繪像九人而公之德尤不泯饒人為 范二公九人云二千石之良不幾於難有耶余倅于饒 文正公之祠堂是賢太守不可得而多也噫都陽之守 見魯公雪程小娘被寇事特道其始末而圖其像以附 者陸虞二內史梁周二太守柳儀同馬常侍李刺史顔 此僅六十載香火不絕牲牢日盛較以千人間流澤之 公畫像以千百歲而守者近千人而其著于圖記繪像 文足口年上等 是敗如公所至有思鄧慶二州民與屬羌畫像而生祠 通判河中府徒宛邱歷延慶杭越蘇潤青賴が耀鄧永 於世庶其垂話於後而不事於名常之歌咏也且公始 余因采其所敬念者命曰范公都陽遺事録非敢像名 日所以制作修創之跡将賞吟咏之舊莫不敬而念之 遠惠愛之被獨公一人而已矣然公之遺風餘美實決! 興一十二郡統猷茂績燦在國史家集奏議問何假於 于物每見於民之去 思又豈止夫祠堂而已乎公視政 江西通志

高世之趣者多願遊馬政和癸巳之夏子自豫章之京 六月丁卯序 竊疑饒之遺事或有所未聞者安得而棄乎紹聖乙亥 金りでたと言 **亘連絡不可名狀號為山林環瑋絕特之觀士大夫有** 江南諸山廬阜為最北枕九江南據星子奇峰秀嶺縣 之御家以褒賢碑額青史傳載四方千載固已聞之矣 口道盧山下便風順流日數百里廟遊而不果往畫卧 送陳淵幾叟遊廬山序 卷一百 三十六 李 綗

欠足日華 主馬 影如空華其心安然不為毀譽之所動搖其容渥然不 欲盡山林環偉特絕之觀而已哉兹山之南有人馬修 裝不遠千里而往觸隆暑涉長道不以為勞其志豈特 為窮困之所枯槁其視瞭然久而益明其氣温然老而 行如幻三摩鉢提歷諸世故備嘗艱難如夢如響如光 態放然樂之自謂他日裹糧以償夙願不難耳迨今八 年薄官點東願莫之遂臨風撫心每有遺恨今幾叟束 舟中仰望五老香爐諸峰巉然倚天雲煙出沒項刻萬 江西通志

金发四五人 次第并以示我使玩味諷釋如親遊其間以慰願到未 杖履逍遥徜徉騁懷寓目必有佳句從而寫之當裒集 起居輕利否世事可忍否云何修菩薩道云何修菩薩 益北幾隻将往見之為我致問無量居士少病少悩否 所饒益幾叟歸其有以語我若夫山林瓌特之觀幅巾 行願得居士謦效筆墨之餘以作佛事使初發心者多 遂之心馬因用之序以識别 泰和曾氏農器譜序 周公大

・し・しり う へいご 書成蘇公之志矣其叙牛犂蓋一編之館鎋予嘗學核 成三卷皆考之經傳參合古制無不備是可補伯祖之 歌又惜不譜農器時曾公已喪明不服為也後百餘年 其姪孫來陽令之謹始續成之凡耒耕耨鈣車戽蕠笠 曾公安止獻所著禾譜文忠美其温雅詳實為作秧馬 紹聖初元蘇文忠公軾南遷週泰和邑人宣德郎致仕 因演其說山海經曰后稷之孫叔均始作牛耕世以為 銍刈孫實杵臼斗斛釜甑倉庾殿類惟十附以雜記勒 工西通志 文

駕車搞師而已未及耕也不然牽以蹊田正使藉稻何 之三農而放之桃林之野乎及周禮祭牛之外以享寫 一多近四月全書 ソス 耕澤澤千耦其私祖隰祖畛又曰有畧其耜俶載南畝 足為異乃設奪而罪之之喻耶在詩有云載莫載作 不如迎貓迎虎列於蜡祭乎厥後王弼傳易以為稼穑 後殺時将壮有採其角以為社稷之報若果使之耕 三代予謂不然牛若常在畎畝武王平定天下何不歸 明竭作於春皆人力也至於獲之積之如墉如櫛

卷一百

人己可具白血可 姓必用拴拴純色也外祭毀事用危危雜色也是則純 謂輔嗣固失矣賈氏及景文亦未為得也按論語子謂 色角為周正近世諸儒並從此義今觀周禮牧人時祀 牡不可故曰騂且角也注疏乃以犂為雜色騂為亦純 人格言也益聲田之牛純雜牝牡皆可祭牛則非純非 仲弓曰犂牛之子縣且角雖欲勿用山川其舍諸此聖 易服牛乘馬漢趙過始敬牛耕益本賈魏齊民要術子 之資宋景文公祁闢之曰古者牛惟服車書肇牽車牛 江西通志

弟見牛耕不復考其初而買公彦考工正義遂謂起於 土牛示農耕早晚賣誼新書劉向新序俱載鄉榜公曰 雜之辨也封人設其福衛魯頌夏而福衛白壮縣剛是 後漢其失尤甚然則山海經果荒誕數曰班固藝文志 之言而弟子冉耕亦字伯牛彼禮記吕氏月令季冬出 則言角之意也竊疑耕牛起於春秋之間故孔子有犂 百姓飽牛而耕暴背而私大率在秦漢之際何待趙過 過特教人耦犂其一牛費省而功倍爾易傳出於魏晉

金与四月石量

卷一百二十六

疑者世人習熟見聞多惑是說子之語諄亦可咽哉若 文足马和 主馬 秦之書非夏禹及伯翳所作甚明其在春秋之後無可 子旗周己謂世代不合況叔均乎故無錫尤家定為先 山海一篇而劉歆所較凡三十二篇定為一十八篇固 枚舉名物採方言而附之非所謂後世復有子雲者也 把之屬楊雄方言往往三名來陽既書之矣遂使它日 已不同散又云出於唐虞之際今考史記以不密為稷 續修宜春志序 江西通き 張嗣古 主

而况距今六十年間事多與廢沿革則大書特書以治 精詳而或失之煩簡而或失之暑抵牾重複覧者病馬 事異時因錢客當寄意於江山多勝游之句然風土之 此乎有考後世郡邑圖志之作其幾是敗宜春為江右 之别貢賦物產之宜靡不登載則去古雖遠學者尚於 可紀者益非止江山一事而已郡舊有志往往考訂不 名郡韓文公典州日愛其賦稅及時人安吏循問里無 九邱之書不可得而見矣然禹貢一編其於山川土地

一分は 口屋 人口世

卷一百

三十六

次定四車全書 行皆所以為一方長久慮也而東於簡書局於歲月有 **釐為若干卷於是一郡四邑之事迹桀然如指諸掌將** 大夫張君耕博訪舊聞蒐輯放失隨事編摩爐分彙列 簡陋典章文物尤所經意乃命郡博士林君護新醴陵 **録木以永其傳乃屬予為之序予晚學不足與斯文惟** 侯之為此州也約已厚下民懷吏孚講明利病以序罷 悠遠誠當不一書而遂止也宗卿滕侯撫藩踰年一 不得以盡行其志馬則是書之作豈為無意哉揭敖之 江西通志

完變通而推廣之是豈無望於後之人乎予故考述侯 **福也防患之意雖至而李渠之利尚未復也以至山川** 平雜之害未能除也珥筆之誇雖珥而風俗之醇猶未 無窮云侯名强恕金華人嘉定十三年十一月 之志著之篇首庶幾因其書以求其意有以充其惠於 之氣未發田里之力未寬鬼習盛而未革官府備而未 米雖蠲而取於民者未盡平也折約之令雖格而和買 江西詩派總序 老一百三十 劉克莊

全篇佳者或一聯一句可諷詠者或對偶工者各著於 表願潘仲達大觀有姓名而無詩詩存者凡二十四人 編以便觀覽派中如陳后山彭城人韓子蒼陵陽人潘 李商老南康人祖可京口人高子勉京西人非皆江西 王直方詩絕少無可采餘二十三家部帙稍多今取其 人也同時如曽文清乃贑人又與紫微公以詩往還而 **が老黄州人夏均父二林嶄人晁叔用江子之開封** 吕紫微作江西宗派自山谷而下凡二十六人内何 ここういここ 工西通志

弘定四月全書 吉水縣文昌鄉某都建義役復淳熙成規也予同升陳 也今以繼宗派庶幾不失紫微公初意 者恨紫微公不及見耳派詩舊本以東菜居后山上非 之後來就齊出真得所謂活法所謂流轉圓美如彈丸 不入派不知紫微去取之意云何惜當日無人以此叩 君某既為序則貽書於子曰願贊一言使鄉黨隣里有 所憑依且庶幾像福於君之筆俾勿壞予懼不敢當以 古水縣文昌鄉義役序 卷一百 三十六 文天祥

不問問之間紛争之微禁點者乘間而起告計因之而 官無以自為也吏雁鶩行鉗紙尾而進曰某宜差某有 日甲輾轉而聽命於長民者之一語時則其權在於官 差役以亂時則其權在於姦民受役者有二三年迄無 吏胥主之高下其手紊於多寡之實時則其權在於鄉 甚也民無以相友助相扶持乙曰甲當役甲推乙乙復 C = 10 10 / 11/15 以私其人則改曰宜某時則其權在於吏一方之版籍 其為義役不得辭嗚呼義役之不行而差役之紛紛何 江西道志 手

資姦智也盟而無敢先後信也一舉而五常備馬豈惟 大矣且利久遠而無訟仁也使人知有遜讓禮也不以 鄉胥與姦民與適至之天而在吾鄉里和氣間義之用 減若干爾費若干至若干以上助若干一惟公是據處 之者無愧群分之者無拒色是役之權不在官與吏與 義哉鄉之長上其申告子弟曰如是而福如是而禍守 其權在於天今陳君與其鄉約曰爾役日月若干爾末 事有不幸而殺傷盜賊麗於其境不旋踵家破時則

到方四月五十

卷一百

皆聚於富陽朝廷擬除子江東西廣東西制置大使兼 制撫領神皋余辭尹引帳兵二千人詣行在日夕贊陳 余自具門被命入衛守獨松關乃王正二月除浙西大 是邦之風俗不為無小助噫亦安能下其法於天下 約者久處敗羣者交罰使一守是法永永無數則其於 廣東經界知廣州湖南策應大使未及出命陳極使已 樞使宜中謀遷三官分二王於閩廣元夕後余所部兵 - 11:1 J.S. 指南绿自序 工西通志

銀定四库全書 欲台富陽兵入城已不及事三官九廟百萬生靈立有 參政以兵屯椎水裁場城中兵将官紛紛自往納降子 馬時北兵駐高亭山距修門三十里是日北郎 予不得爱身且意北尚可以口舌動也廿一日至高亭 於具左丞相府不知計所從出交贊子一行國事至此 魚肉之憂會使粮交馳北約當國相見諸執政侍從聚 去國十九日太皇除余右丞相兼樞密使都督諸路軍 山詰北帥前後失信帥辭巫且謂決不動三宮九廟決 卷一百三十六 Pp 引董

賣國非子所容也相戒勿令文丞相知未幾賈餘慶兵 報國之日始隱忍就船方在京時富陽兵已退趨姿處 伴逼于同往子被逼骨欲即引決又念未死以前無非 我朝廷北將甘心馬二月八日諸使登舟忽北人遣館 堅謝堂家鉉翁劉岊皆以府第為祈請使詣北方益空 是北兵入城所以誤吾國陷吾民者講行無虚日北知 姓愈不放還賈餘慶者逢迎賣國乘風旨使代子位於 不擾京城百姓留予營中既而吕師孟來予數寫其叔 くこうえ ときう 国 江西通志

等州予俟間還軍苦不自脱至是欲從道途謀道亦不 多方匹母台書 勘奔淮西予謂此北及問也否則託解以逐客也李公 書謂丞相為賺城欲不利於我苗不以為然送子出門 間合兵與復苗對之甚力初三日早制司人來乃出文 州朔日守苗再成相見論時事慷慨流涕予致書兩准 可得至京口留旬日始得鹽商小舟於二月晦夜走真 夜抵西門欲待旦求見呵衛嚴密鼓角悲慘杜架閣謂 仁人使見予必感動遂之維揚苗遣五十兵四騎從行 N. 卷一百 三十六

以李郭之事為已任狼狽憔悴之餘喜不自制跋涉鯨 齊人事好乖一夫頓因不足道而國事不競哀哉子至 然之自是日夜奔南出入北衝犯萬死道途苦難不可 李公必不可見徒為矢石所陷不如渡海歸從王室子 通聞二王建元帥府於永嘉陳樞使與張少保世傑方 勝述嗚呼予之得至淮也使予與兩淮合北人懸軍深 波將躡曆以從意者天之所以窮餓困乏而拂亂之者 入犯兵家大忌可以計擒江南一舉而遂定也天時不 · · · · · · 7.L.i Į 工西通き 三十二

多好四年全書 少爱人利物之心謂之何哉近世宋氏洗冤録於檢覆 不必講不必講可也而一日臨事情然受成其為誤不 情法輕重相去一毛轉移蔽欺其謬千里吾儒坐論書 漢法殺人者死我國家式敬由獄尤於人命重致意馬 其將有所俟乎時德祐二年閏月日 史志其大者固自以司空城旦之書柱後惠文之學為 為甚偷宋氏多所歇思益履之而後知吾邦趙君與拱 趙維城洗冤録序 贝 ٠. 卷一百三十

訟九五曰尚中正下四爻竟至於不訟子曰子帥以正 孰敢不正惟上九一爻犯終凶至錫帶三號豈帥之 微之 而解祥刑之本也讀趙君此編而於書再三馬雖 小補之哉書曰獄貨非實惟府車功又曰無或私家於 甫階一命而能有志乎民反覆駁難推究其極於宋氏 不中不遠矣 有羽翼之功矣使君自此有中外之績日増月益豈曰 帥正録序

久己日早 在自

江西通志

圭

豈一朝一夕之故縣古諸侯也使君私其王子其人教 廬陵訟最繁自君視事日以銷殺從所帥也然猶不免 備書之册踰年幾三帙名曰帥正録大哉君之用心乎 陵其聽訟心據經守法不肯少委折以貳民聽凡斷筆 金りでんといい 於有録而録不免於再且三風俗所積其器也久矣夫 有所不能兹易所以為爱患之書也龔君子輝宰吾盧 化之入人也深則是録可以無作今之縣三年一替君)罪哉居卦之終為險健之極冀其矯揉非百倍其力 卷一百

尚氣雖士亦然葢其土風然也榮應瑞亦分寧士官崇 問政子曰先之勞之請益曰無後君而以無後行之是 豫章之武寧分寧山峭而水清人生其間者大率任俠 録也固筌蹄之粗也歟君名日升豫章人 仁色校三年與少者相安與老者相得內無町畦外無 ここり 育 たまう 贈教諭榮應瑞序 幾何時讀是録也庶幾期月而可者矣午 江西通 志 幸六 澄

之有官守必不罷輕而不勝任惜乎沉晦於下係局促 况其發言馴雅而不媚其處事雅容而不懦是又得其 **圭角自始至逮官滿如一日謁然如周旋揖讓於洙泗** 金号四月子書 養以俟時及子之未死也猶将見其有立於世也 於冷職而未得以展所蘊故予於其去也勉之益加培 士風之善者夫如是使之有言責必不 依阿而能隨使 伍之哉夫生於其鄉而異於其俗此世所謂非常人也 之間視其鄉之士風無毫髮肖似予其敢以分寧之士 卷一百 三十

寡過者益鮮况又不肯安於小成而欲 進於古之聖人 職教者茍度歲月以俟飲遷能思其職慕做先賢以圖 江之為郡有李泰伯曽子固學行文章百世師表某將 臨江黄良孫世弼為建昌南城教官将行言於子曰盱 畴昔嘗聞先生緒言教者之所以教當進於古之聖人 惟二子者是慕是傚以率其鄉人士以庶幾於寡過然 則似非可以如二子自畫其詳可得而聞乎子曰今之 へろこうこう 送南城教諭黄世弼序) · L.i. 工西通志 圭

悖者於是而有萬有不同者馬聖人之教使人順其倫 於天而人所同也以其所稟之氣質不能皆清且淳故 所不然者而已矣生而爱其親長而敬其兄出而行之 子之志如是可尚矣抑古聖人之教人初非過為高遠 於倫理之間有厚者有簿者有全者有偏者有循者有 朋友娶而行之夫婦仕而行之君臣此良知良能之得! 而以人所不可知不可能者强人也因其所固然革其 理克其氣質因其同革其異所以同其同也契之教

多分四角全書

卷一百

處父子兄弟夫婦朋友也有可稱無可議而討論講貫 順其倫理之同也發之教也克其氣質之異也世弱之 昔宜黄李君變友以太學名士釋褐為賴州教不及禄 於必成以此率人人其有不從者哉 脩身践行又有日長月盆之功所以順其同克其異者 固己知所以用其力精之熟之持之勉之以此治已期 而其子仲謀中教官選再任得石城教石城賴州屬品 , , , ,) ;] ; 送李教諭赴石城任序 1.1. 工西通志 美

謀之所以學於家者往往異於常人益自宋末舉世浸 諸經皆能成誦年雖幼德器如老成人不待父師繩束 之當謹於行賴州之教子則不然仲謀九歲以前論語 文是誦是習無復知為學之當本於經亦無復知為士 淫於利誘士學大壞童年至皓首一惟罷軟爛熟之程 也予少時客宜黃親見賴州之所以教其子者又見仲 循循於禮法之內建其父時已如此父既沒而孝養其 母謹的其身盆勵於學以能有所立今之往石城也念

欽定匹库全書

卷一百三十六

武子之少也嘗有志於古人荒落久矣何能有所裨益 哆然若有餘而仲謀獨慊若不足此其賢于人也遠矣 凜馬以經未明行未脩為憂嗚呼今之任教事者靡不 變可以至道而學校承襲舊弊不知所以自新之方凜 文定四車全等 ! 於今之時俊乎雖然不敢不誦所聞古聖遺經先儒俱 於予曰新制取士以經明行修為首好尚近古謂宜一 驗其實博覽而歸諸約旁通而貫於一一旦豁然有悟 有成説立異不可徇同亦不可虚心以玩其辭及身以 江西通志

契於畴告家庭之所聞也其毋厭予言之卑延祐丙辰 寧厚毋薄寧過母不及夫如是經豈有不明行豈有不 愛親敬長之良能以達乎彼何莫非吾之所當厚善者 弟夫婦外有宗族姻親朋友近而鄉黨遠而四方推吾 修者哉而非有甚高難行之事也人病不為耳今之往 則所得者非止古人之糟粕也人之一身內有父母兄 石城也武以斯言與一邑之士詳究而實践之殆必有

春秋然則春秋之為用大矣哉友人黄孚文中家世春 言以為為人君為人臣為人父為人子皆不可以不知 告夫子删詩定書飲禮正樂贊周易五經備矣猶曰託 秋學而文中玩索遺經貫穷三傳二百四十二年之陳 之空言不如載諸行事也於是乎作春秋漢儒專門明 迹歷歷如燭照數計發言處事每據經接傳以為證使 經學者往往引春秋斷國論其最純者江都董相也其 Ja. 13.21 /11.1 送黄文中赴西澗書院山長序 江山通志

應細故而有難者乎為是說者益不知春秋之為用者 秋者臨大事決大議破竹解牛罕所凝滞況於居小官 院或謂西澗之難處非他書院所可同子謂不然明春 若身與其間此讀經讀傳之餘效也今長瑞州西澗書 漢世專門之士復出未知其孰後孰先又推類以讀通 也葢不知文中之為人者也於其行也酌之以酒而書 鑑綱目之書一千二百餘年之得失治亂縱橫商略有 之為贈

多分四月在書

三十六

|授吉州法曹值革命隱不復仕既而翁暨伯先逝簿之 言哉簿之大父艮堂翁宋嘉熙庚子以詩經貢越二十 年貢士交契猶兄弟視簿猶從子也於其别也惡得無 授迪功郎尉東之萬載並轉從政郎一授福州監鎮 徳剛甫簿之父也咸淳丁卯以詩賦貢次年登進士科 九年戊辰特恩對策授迪功郎尉饒之德與翁之伯子 石城主簿婁志淳将赴官予昔與簿之叔父道與甫同 Janopine Lining 送婁志淳太初赴石城縣主簿序 工西河志 四十二

諸父仲叔李在鬚眉皓白儀觀甚偉儼如商山老人書 充源泉石林两書院長志淳亦以湖北康訪使程公薦 餘風婁氏稱鄉邦第一當路為皇朝收拾遺逸道與甫 如司馬文正公家範士大夫之家能存承平時禮法之 **告於兩屬燻親臨之官又不憫恤之民無所倚矣簿** 長南嶽書院簿注寧州教再注南康路教以至於今遂 像至朔望深衣巍冠領羣子弟序列家庭接見賓友 分縣寄夫石城贑之鄙邑地偏俗樸近年隸寧都州

多分 四月 在書

卷一百

勢然也南城之東南鄙士民接壤析為新城縣其山獨 故其民俗剛毅士生其間其行往往峭峻介特蓋其形 宋初割無州之南城縣置建昌近郭多石山巖險廳礪 廉者石城士也簿其詢馬 予不以居小官為簿之慊而以遇好官為民之幸有胡 儒世宦恂恂慈祥薰沐聖賢之書講聞仁義之實益非 尺三日申二十 日潔身如秋霜之肅愛人如春陽之與民其少廖平 送左縣尹序 江西通志 里

第一人謂人物之無關於山川形勢不可也宋亡儒科 宣無長才異能而僅占第二人以下推新城縣有進士 奇秀明麗而民俗士習亦肖之宋三百年儒科相尚 歷月九十則出仕與進士之高等同思數渥矣然南士 廢後四十年始復而士以善書服勤於翰林國史院者 之縣五建昌之縣四九縣之中其八縣之登進士科者 士曰饒樸新城人文工行淳良士也其明年試禮部報 得與斯選者嚴惟艱哉貢舉初行時予于校文得 撫

到分 四四 在書

卷一百

之優也必能有裨益於民其守之固也必能無玷缺於 新城人才優守固良吏也新受承直郎廣州路香山縣 教而未用也今承之詞館又於史屬得一十曰左祥亦 罷以特恩風儒學教授選中子薦之於集賢充國子助 古之仕者三後世行可之仕幾於無而際可亦或解矣 身祥也往哉聞廣東之郡縣有以良吏稱者必子也夫 **尹而去予於是益信新城之山川多產英彦也夫其才** ,) s.) . ot / . i.d. . . 送李文卿序 江西通志 引き

親而已於養不便不任可也益人之大倫五父子其首 大率皆公養之仕也夫既曰公養則有親者凡以為其 以人類比數坐是終身淪廢者有馬竊怪海宇混同以 去就彩己而諉曰委身為國不顧其私雖曰不貪榮吾 膺託孤寄命之重不免以公義奪私情茍守一官一職 來東西南北之相去地里遼絕有違其鄉而仕遠方者 不信也猶記數十年前任而少虧於子道清議不容不 也孝於父斯可移於君自非貴戚大臣身繁社稷安危

多员匹局在書

卷一百三十六

噫是豈獨無人心哉其淪 落陷溺之深而然與其未當 講聞禮經之訓而然與可哀也已邇來國典許人子以 它所而其親自營衣食自給総役於家寫窮勞苦而莫 惟安否之問甘旨之供闕至於畜妻抱子新美田宅於 終養終喪此孝治天下之第一事也頹風流俗之中能 **奔又甚者匿而不發飲食衣服言語政事揭揚如平時** 之即老矣而無歡或不幸永缺而不相聞甚者聞而不 於其親也或五六年或七八年或十餘年而不一省不 1. 17 ... 1. 1. 1. て与追む

銀好四年全書 諸子諸孫林立乎其前緣是盡人子事親之道則立身 舟北渡於是雨州人士及見者聞者為詩文以發美之 亦其天資之粹卓然有以自拔於世矣歸侍其親諸弟 文卿佐漣海兩州戎幕力請解官歸養期年而後遂買 自拔者誰乎饒陽李文卿溫溫有君子之德其家七世 夫文卿是舉人子之所當然然行之於人所解行之時 不分與其太母建見元滌年九十九而終其父年八十 揚名將俾天下後世聞風而想慕不但二三子區區之 **%** 恭一百三十六

古之系歷三百年而才八世云爾宋之南渡秦檜專政 臨川逍遥峰福勝院主僧師吉以所修晏元獻公家譜 之子尚書六十三而沒尚書之子生三歲而狐是以師 獻八世距尚書公六世益元獻公九子尚書則第八子 族兄某得其譜系而敘録馬按其譜自師吉上距於元 相示深數其委身於釋氏而不忍忘先世之疏闊因其 聚美云爾 くこうこう という 臨川晏氏家譜序 工与通志 門太

是咨兄弟諸孫之留居鄭州者子孫之分居東平曰其 於國朝傳系可徵而譜牒遺逸矣最後得関中陳丞相 故家遺記得無山實公傑賈公昌朝之後人皆為貴官 書之傳今又幸於私記叙譜而見之也君子之言其不 一多好四年在書 可泯也如此乎子昔待罪國史當以職事求於先宋之 備世臣之言固當然乎而學者解得見之然國史有尚 有生氣豈知尚書之疏尤深切著明憂思治法無不畢 誤國胡公邦衡慷慨一疏當時偉之至今讀者猶慎發

基一百三十六

郡之大族樂侍郎史後人尚多而未當見其語王荆公 南臺者至泉南以世嗣求拜其家廟慶歷從官莆田陳 氏之裔孫旅為余云而今亦不可考矣及余歸僑臨川 方聞肖氏有子孫在泉南數十年前北方曽氏有仕於 沒後仕宦功業猶可考見內附以來邀乎無所聞於四 為御史來求先壁碑而得其譜之略故宋盛時若吕申 子孫四十年前在金陵嘗見一二人今祠下亦有一 公韓魏公富鄭公曽魯公司馬溫公桐木韓家子孫南

文已可与 Les

江西通志

學次

書此而歸之 譜有不勝感數者矣思古人於既往望喬木而遐思故 韓氏之譜於其諸孫之留居臨川者南澗公為之序者 有官撫州而留居者其孫卒於外孫李氏家又得桐木 如此賢者之傳固當有見於後世矣又聞王收公子孫 釋氏若師吉者凛然思其宗支緝累其家世行事歲月 人耳而晏氏之子孫莫威於尚書八世之後乃有去為 也故家之子孫數世之後雖隆替不可知予於晏氏之

金分四月百十

卷一百 三十六

火迁日百七百一 士之多誠願如存初言方今文治與隆未必有報貢理 彬彬大出矣又戴曰柴不復得見公猶見之應之曰得 歲庚午殿武後集與 閣學士阿榮存初侯見直盧存初 存初國家世臣妙於文學在上左右華年方殷斯文屬 慨歎相語口更一科後科當報報兩科而復復則人才 與義門陳氏族譜序以故家遺俗於此可徵云 按譜序多係一家世系之私言今概不録獨存此篇 送孔元用序 江西道志 四十七

多方で方人 藝南省所得羅友道子乔讀卷時所奏也今年臨川之 前七舉進士者子弟仲常與黃養源同年張國實子校 停貢今歲聖天子科的與賢一一如存初言猶願此舉 之弗答也後三年集歸田而存初有王樓之台乙亥果 清江三仲家之傳曾子白南豐之後劉良甫墨莊公是 士預薦者六人前此未有如此之盛者 元用闕里之系 得人亦如其言則區區畎畝之愚誠也臨川素號多士 望集老且衰見亦何補耶又數曰數當然爾問何以知 怎一

ħ

信哉元用質粹而文高與子白皆子素所期望者行省 官得周盆公程文題之曰此有公輔之器時以為知人 将歌鹿鳴而勸之駕元用亟來山中為别其意尤古乃 除自的張直方皆再舉直方尤老於文學者六君子之 百年而有子孫並薦於今日徐國基之高大父嘗為試 近以推具逐而未知者則彬彬多材之出其徵詎不可 世業積學宣茍然侥倖於一日者哉子以州里耳目之 ・ノここりこう かいから 公非家子孫當汴宋極盛時皆文學知名大家去之三 江西自志

銀片四年在書 簿思梅黄公為諸公一起為之賓客氣象議論多所感 志而安定之起文雅通練之士知名一時者以慰民望 未久淄菜李忠愍公方領其軍定江右鎮豫章鹿泉賣 故宋進士之在崇仁者猶十數人衣冠甚偉獨宗正寺 公以文臣為使奉部分間終撫其士民思有以畏服衆 至元甲中之歲集從先人始來僑臨川之崇仁時內附 贼诗以餞之并寄諸君子云 送黄敬則之官序 卷一百三十六

於居家矣龍川以平章留極笑嘗與翰林集賢薦君僅 之子孫至再世皆稱門生弟子君之生平客授之日多 中山趙公樸隱持節再至與君處無一日之舍而李氏 激昂四方衛然歲丙戌寺簿公沒忠愍元子龍川公以 正公高第弟子經學節行方正嚴重其為此舉也風厲 者皆以其先志求寺簿之子浮山君開館塾而禮貌之 世家仍鎮其部歷階省府賈公劉公子弟之往來於洪 發既而河東劉公於洪學親聽其講說馬劉公為許文

文 主 印華 七

江西通志

九

吉敬則來告曰有人自太平來趣治其學事求一言之 無躁急之意是以學者稱馬仍改至元之五年孟夏之 安之别第而我參政少寺簿公十歲甲申之來得相從 少留始識寺簿公寺簿公登進士第時實寓我尚書臨 之歲歲在已未我先尚書解組永州道過崇仁為姻戚 贈馬集為席與坐而告之曰世祖皇帝以天兵臨鄂渚 也敬則自浮梁改遷太平需次者五六年恬然以居略 一拜文學之命而君不屑也使其子任為學官則敬則

歸君已不可復見賴敬則之家居也時有過從之樂今 修行無食頃不相求始終無間言人以為有古君子之 朝先人即歸田舎浮山君亦漸倦游相處東西家講學 風延祐已未先人即世浮山君年已六十視集少有十 延敬先人則君與清河元文敏公實啓之也及忠宣還 君友道崇寫每為諸侯大夫稱誦之趙國董忠宣公之 者三稔馬我先人浮湛田野單縣屢空不計聞達浮 したしつられ たいかう 三年待之若雅弟馬及集再召還朝而君及矣既老而 江西通志

|年寺簿公之名徳雅望浮山君之清才懿學再世積累 歎其事而泄之後三年丙申而寺簿公生造物之報卓 謹護之旦乃得解而歸家人怪問之不答也而館人或 中衣結水柳而止間有人聲相呼者云此人有子登科 曹大父梅總先生方盛年富文史教授近郊之巨室中 金牙四月百十 行君子的的如此可不懼乎可不敬乎今內附且七十 出而服官政集得無言乎集害聞諸鄉之遗老云敬則 夜有求見魯男子者先生絕袖抉關而走失道墮巨浸

おって

達華之下三年而歸有以為告馬采石之上有我先也 肅公遺廟在故人草懷薛公超吾守郡時為起斷碑於 教人者豈足以盡知之至於善端之發確持而不變勇 行而不維者尚有以廣君子之澤哉子行矣子待子於 而充之者也吾敬則横經於其堂以其祖父之所教而 夫善必精而後成非必一事而可責報於天也然而 念之烈其發之不可過若是此孟氏之論學所貴乎擴 Jano Cotto 說被其子孫充碩盛大方段而未央也可不知所自乎! 江西道意 五十二

馬 之至者亦一二年矣敬則經行幸為集省其庭柏階草 孫之分居金谿者得見其先世遺墨遺事與羣賢交游 草棒而植之誼不可忘也集過祠下又已六七年子弟 後叔熙氏歲登華益山必及於門子嘗與叔熙論其家 元統甲戌子自史館歸僑臨川從清江墨莊劉氏賢子)翰墨葢三戴其文獻之懿久遠而能使人不忘也其 送墨莊劉叔熙遠遊序

多方四月在書

書因及静春戒子通録實有助於名教恨其書不大傳 鄉黨受而讀之遠近學者願得之臺省有知其書不遠 权熙又以自清江至金谿族譜及侍讀以來所與歐陽 千里使人求之信乎錫類之不匱也叔熙又謂予言族 叔熙曰諸有家藏舊本當刻而傳之一年而書成宗族 公王荆公眉山蘇公昆弟南豐曽子固諸家之書與劉 而刻之而公非集頗有遺脫將訪而足成之故緩他日 人諸父昆弟願合其財力先取公是公非兩先生之文 Carro de Living 江西通志 五二

之事文宗皇帝於延閣清燕之暇曲賜延對訪問故實 博雅之士未嘗不歎息劉氏於二百年之上也往者承 多分四月全書 然參著於其間聲望略等何其感哉故予每執筆並然 歐王蘇曾度越前代而侍讀公兄弟父子博學治聞森 度之類又皆空球不足以酬應觀於昔者斯文之盛有 誦之慨思古人之不可復見也予早解親游京師館授 氏相關者及静春與諸子所往復備録為三巨編受言 以為業每懼夫於道未有閒也至於古今記載名物制

傳馬而静春氏等諸著述未暇數也宜訪而廣之二年 而所著傳尚闕其他成書者猶十七八種惟西漢書注 之日劉氏之書惟春秋意林及三傳權衡刻本在學官 之文而奏之後知其賜官廬陵臨江因告以其說而屬 **承的讀進士對策於殿廬得劉性粹東劉聞聞庭諸君** 著述文字幾無虛日於是時也則前日所愧於是益深 前聞庭刻小傳於臨江粹忠刻弟子記於旌德皆募寄 或附見於本書七經小傳學者或傳寫讀之其餘益罕 くてりられたから 江西道志

議廷中而言諸朝曰三史文書闕略遼金為甚故老且 與家藏本無異也故家子孫若叔熙之奉奉於先世草 多分四月石量 盡後之賢者見聞亦且不及不於今時為之恐無以稱 未遑也至仁宗時屢嘗以為言是時予方在奉常因會 言國可減史不可減上甚善之命史官修遼宋金史時 茅俗陋其可以小愧乎哉世祖皇帝時江南大臣有奏 以屬饜予之嗜馬因以其貳與叔熙叔熙歸讀而告曰 上意典領大官是其言而亦有所未遑也天歷至順之

之益未易能有成也予聞前輩言渡江後眉山李公仁 史事之重非有歐公之才識而又得劉公之博治以資 麽可也乃若議論則以俟來者諸公頗以為然然每思 有定今當三家各為書各盡其言而聚實之使其事不 問與同列議三史之不得成益互以分合論正統莫克 問屢的史館趣為之而予別領書局未奏故未及涿命 至東南多追憶以成書凡数百卷是可以追及劉氏者 父就蜀置局著宋通鑑長編而北兵猝至盡亡其書走 ここりのという 江西通志

舉之終其篇蜀人范大冶亦善記嘗言幼在蜀從子先 **鳅宋晚禮部尚書王公伯厚最殭記而我從大父私監** 說時范已七十餘矣其後同朝友侍講四明表公伯長 吾每得書覽記之不忘又能參錯及定非是每有問必 以舆地之事今其書在祕省予幼時得豫章布衣豫闢 公與之齊名予不及見王公秘監公蒙世祖特起之任 益學於王氏得其記言之要而泰定執政東平王公繼 世得盡見六經緯時為予讀一篇予時尚小不能通其

多安四月全書

卷一百三十六

學見書輕記無復再覽領政事省朝省吏贖過目無所 考古人之遗迹風氣之變通習俗之升降文史之遺闕 遺皆異材也然今惟王公在耳此子所親見者也朝廷 皆子家學能事也以子清通明敏因以肆其學問資其 子之遊乎慎母苟然也觀夫山川之形勝封域之離合 春叔熙來别將游觀乎無趙齊魯晉宋之郊予曰善哉 必欲成一代之言不有如此數君子其克有濟乎戊寅 見聞今聖明在上心有述作之事濟濟之多菲可遗吾

と記り自然

江西通志

五五

守令保圖志以治分地子孫保閼券以治分業能治其 動好四月五書 乎因户口之有定數也而考其有流亡者乎因賦役之 叔熙者乎 所有即為賢矣因田野之有定界也而考其有污菜者 習之有舊俗也考其有可追直而振德濯磨而作新者 有定制也考其在公者有湮沒在私者有暴横乎因士 郡縣之圖志何為而作也國有賢守令猶家有賢子孫 鈴岡續志序 表: 一百三十六 歐陽元

宜有縣起宋雅熙至南渡嘉定間謝令謀作縣志不果 昔人治官如家之責告夫求芻於吾邑者庶知前人作 以予於是邦實多桑梓之誼以序見屬解不獲則願 侯尚之為尹乃作鈴岡新志以續前編書成適予至侯 淳祐黄尉始克成之混一以來更六十有七載沒儀趙 以日美人材可以日盛矣然則圖志可一日而闕乎分 乎治之無倦則田野可關户口可增賦役可均風化可 圖志之意非徒以廣紀載備考訂而已将以為勤政之 1. 17 ... J. ... 工西面志

飲定匹库全書 多幸矣乎 一大助也推本作者之意黾勉述者之事吾邑吾民其 送鎦文廷之清江録事序 卷一百三十六

司市掌市之治教政刑量度禁令令之録事治城市關 安成士登第自鎦文廷始調清江録事得視收守縣大 夫為親民長官自重宜矣其行歐陽元重告之曰周官

府大略相同而古今之制則不侔矣古者都邑如井田 盡為九區前二區為君之官之廟社之廳治後一區為

徽以速卜祝老釋之流又下而百技工巧驅僧負販 所以别尊卑也古法簡古俗淳惡囂而抑末尚爾今夫 市有罰所謂出一幕一部一幅一惟之類是也內而天 馬益二畝半在邑之農也其餘大夫士凡有虧禄者入 市左右三區為民居市别為四門日出而故惟民得入 大王日日日日 百族之寓公四方之游士官府之府史胥徒兵戒之游 子之都外而諸侯之國同一法其君過市則有刑者赦 録事所治則市人居民出入同其門綜理同其官而況 江西通志 ずも

儒者欲驅市人而讀周公之法欲進録事而行孔子之 政必使沈猶氏不敢朝飲其羊公慎氏出其妻慎潰氏 客倡優清處而雜由之如是而望其布治教平政刑 金是四月石雪 語市人哉 政其可驗也特甚嗟夫文廷儒者也進士也元語儒者 **踰境而徙此亦其有道者乎或聞元之言而笑之曰迂** 其量度禁令如古司市法不既難矣乎雖然儒者將為 豐水續志序 卷一百 三十 揭徯斯

物時政之蹟及前志所未備者為續志六卷條數類析 王順伯修豐水志之六十有三年已陞為富州又二十 中思復其舊政教所施必録其善而遗其不善此居其 窮蒐極簡將以垂信方來惟東南物產豫章為下故班 五年李君肖翁典鄉校居五年乃輯淳祐以來城池人 鄉不非其大夫之意亦作志者之法也君以碩學粹德 於貢賦之變未嘗不再三致意使為政者戚馬有動乎 孟堅曰物之所有取之不足以更费蓋自古然矣是書 こううとこう 江西通志

道猶惓惓是書而豈徒哉君子尚求李君之志 銀定四年全書 士益自奮為學舉者日多江西歲就試且數千人而預 起文獻之家居儒師之位祠先賢育人材無所不用其 恒視其能之小大所勝而録之使各稱其用國初定令 **貢禮部南人總二十有二於是不能無遺才馬朝廷亦** 國家萃人材廣文治然科舉所取士有恒數承平既久 儒生願試吏郡縣者優庸之而不屑為者有矣及比年 送習文質赴辟富州吏序 9 卷一百三十六 傅岩金

我富為上州雖大府不數舎而遠大臣之所監臨風紀 俸進既多正途日塞持法者病其壅於治也則閉之門 資於儒也顧名實何如耳新淦習文質将以儒術飾吏 之有志禄仕者茍非籍世胄之資其不由刀筆發身則 於富州而問言於予以别文質尚究夫國家用儒之實 而固拒之真杜其濫而儒者亦緣是而胥厄馬凡子弟 史司之所糾察行一政善其上必先知之行一政不善 不能以達吁亦其時使之然與識者知吏治之不可不 江西通志 五九

CALLO TOTAL

行之矣 其上亦必先知之而點防係之矣吏於斯者可不慎平 多分四月百十 然文質以儒名者也昔者孔子謂子夏曰女為君子儒 圖之經始見班孟堅載地理之志而志之書始行禹貢 文質之於儒庶將為君子數母使由他而吏者得以藉 郡邑之有圖志其來尚矣益自職方氏掌天下之圖而 口則豈惟一州哉雖大府行之矣豈惟一府哉達上下 瑞陽志序 卷一百 三十六 楊升雲

復於宋國朝因之歸附且百年百奏具舉獨圖志闕馬 之以為經漢高帝初入關蕭何先收泰圖籍以此盡知 窮天所覆極地所載悉屬來臣若瑞郡者何可勝紀不 言諸總府僉以為然廼屬筆於予予惟方今四海會同 2 5 7 5 7 25 至治初元普寧崔公棟實長郡幕獨帳馬墜典之未修 天下阨塞則夫郡邑之圖志豈細務哉瑞為郡肪於唐 有圖志則非惟地理貢賦無所考且將無以垂後於是 書載天下山川土色田賦包貢草木甚詳而聖人定 江西通志 六十

多片匹丹在書 為賢判官見其二子國有其次也眉目始秀又為宋氏 如視諸掌後之來者按圖考貢且以徵輸庶幾無壅蔽 志於後則班孟堅之家法也門分類析綱舉目張覽者 因革互見燦然在目為圖於首則職方氏之遺意也列 始收録官府案牘類而編之且參考舊志摭以新聞使 至正幸卯冬子客遊寧都識的陽宋才鄉氏才鄉於是 之患而亦知前之為政者能識大體云 明宋國實還賴序

與國廣凡三遇而其識見才智各因時而長每辱以師 生艾君祥氏識獄凡癸巳之首禍殲之國賔始洩其憤 仰死王事尚書全侯子仁令國賓攝先職謁大府儼然 禮視予交好甚密屬戊戌江淮兵變衆寡不敢麾下適 在憂服之中子固知其志不在是也次年國廣之鄉先 才子弟方讀書有大志因內交馬癸巳秋變起倉卒才 亦授鎮撫之職君祥因妻之以子師次青原子客艾氏 又次年天子陞尚書泰江西大政僚屬以次選轉國賓

九年日日 白馬

江西通志

於國賓舊且好故述交際之初終與其所守之大概使 卓卓有過人者予久欲書之秋七月既望告予南歸予 故舊間及父警國事未當少釋於懷貧賽極矣未當一 家者為有問矣乃壬寅仲夏由章貢訪予隱居相與道 憂患日久而操守不渝國賓事君祥如父奔走上下觸 風雨冒寒暑於生計無少急視世之懷名哉已辱先喪 動於心嗟乎國實由富貴而貧賤而患難自少至長嘗 有他志者祭政遂退保上流以節終於贑予與國賔處 てこしょう たかり 簽書樞密院事張公叔夜直被閣知同州鄭公驤以來 章尚節概自唐吳武陵父子及校書王貞白故其端緒 信東南大郡也其山奇拔其水清寫其鍾而為人有文 離别依依之態復何足為國廣道哉 者未嘗無其人則予之所以贈國賓者孰有過於此顧 至於宋室南遷中原故家多僑寓於此而士習益戲由 四方知然政公雖以節而逃而其門人從事能承公志 廣信文獻録序 江西通志 危 六十二 素

題曰廣信文獻録文質居貧方汲汲於養而寢食之間 憤還其鄉網羅散逸得昔人所為文解久而會萃成編 惜哉永豐子舒彬文質時客京師睹其事而慨馬乃發 縣無良吏家無賢子孫使忠賢泯沒史家有遺佚非可 字送官擔拾他書僅成數傳其問闕遺固亦多矣益州 少讀柳儀曹作其君文集序獎譽備至親往求之卒不 皆能伏節死義尤足為是邦之重矣余家隣貴溪之境 可得而武陵之文亦復不傳及被命脩宋史信獨無

銀好匹库全書

欠足り車上島 廣信之人皆有志若此則吳氏父子之文安得并與飄 未備而所得益富文質將還江南編求以紀載之向使 码無不遠輯衆頗非笑之而文質不**會其老師宿學及** 風遊塵壹歸於湮沒耶 聞前代故實者則曰盛哉文質之舉也己而日積月累 可以更互考見數縣之事及再遊京師假公私書補其 不忘乎此訪求故家世族至於浮屠老子之官殘碑斷 太平十策序 江西通志

物之責雖窮居草茅其慮必周於天下後世此昔之君 喜中書參議何庭蘭世稱能吏亦曰君言可用下之部 而吏議沮之不報余嘗論之四民之中惟士有天地民 以振國威艾君上書時今太師忠王方入相得君書大 以化官吏舉孝弟以正民葬通資格以任賢才修武備 以擇守令崇節儉以厚風俗法冗員以厚正官獎康讓 以廣聖學謹储蓄以備水旱行銅錢以助鈔法嚴考績 太平十策者臨川艾君本固之所著也其綱曰開經筵

金以正五人

卷一百

次定四車全書一 衣之士焦心勞思徒步五千里奮然言事言之而又因 子先天下之憂而憂也君處田里之間民生之休成見 於吏議吾不知其何說也因閱其草豪書以歸之 談視之哉今夫居髙位食重禄者非無其人而乃使布 盆古今之宜此十策者益其燦然可舉而行者為國而 之詳矣國政之得失思之熟矣而又能窮經考史以損 不先乎此則以為治者皆自說而己顧豈可以老生常 山卷圖序 江西通志 卒四

所謂聖井山者未能一遊徒見其積翠千仞高入雲漢 ·嗜佳山水而先生又心所敬慕者然僅能相從於先天 高遠也裴徊久之其門徒頗為構室廬以待先生之來 於先天觀風月良夜乃遊聖井山門羅而上樂其深邃 則其幽貿可知矣方外之友曰方壺子者早棄塵事深 余家雖隣境距其地不數十里朝發而夕可至且余性 雨益人跡罕至之處延祐中永嘉金蓬頭先生修其學 聖井山在信之上清宫東南上為神龍所居歲早樓軟 卷 一百三十

之交遊之素者爭挽留之張君彥輔知其志之所在乃 求性命之學從先生最久先生既去人世方壺子稍出 然其畫人所罕得雖遊從之久者亦不能强求也初魯 而說之余數從講官入直嘗與古畫並觀幾莫可辨矣 國大長公主好名畫以自娱玩欲得其畫而張公終不 子法中而善寫山水鶴者侍臣有進其畫於延閣上覧 取高句驪生紙作聖井山圖以慰之秀輔君里人隱老 ノニンフラー ノニー 海刺 而遊觀天下之名山至於京師曾未旬日即思南選與 工与有上

壹子謂余本山人戀禄於朝去其田里甚久故特以相 一多分四母全書 **壺子其候我於仙嚴之上遊哉書其後以要之云耳** 東老須扶攜則余之非才乞身而返其初服有日矣方 交宜然耶歐陽子思賴之詩曰及身强健可為樂莫待 養於金先生故隱之東偏約余為投老之計其亦古之 肯與他人可知已今獨嘉方壺子之高趣而為是圖方 示使不忘乎然收之事亦及招隱之道也方壺子將結 送劉子鼓序 卷一百三十六

とこり 日白き 局唯子鼓與廿人者朝夕不怠而字畫又皆楷正高公 史雜記當參證者不可勝等於是政府選能書者廿有 伴讀籍記部令史各十有二人遼金史卷帙不甚多既 議設修寫四十人用翰林國史院書寫十有六人國子 至正二年皇上有站作遼金宋史執政與總裁官等集 已進上獨宋故史記載詳備今史氏勢不得盡削而 夫高公以中書平章政事莅史事嘗掩人不備猝然至 人以布衣辟真館中廬陵劉鼎子鼓與馬今御史大 江西通志

舊分題賦詩贈之顧子致方盛年其學水涌而山進用 處之子館授古安之龍泉學教諭子銨且南去京師故 官也知廿有一人者有功於史亟白僚長擇便地近闕 中書授之子超名在江西檄中行省参政廉公曰吾史 先朝故事官之然廷議卒用為郡學錄縣教諭且檄外 皆用為儒學教授今所修史尤為繁多而廿一人宜遵 甚喜揚言於朝宜官之總裁官用史官言按本朝故事 一統志成書者廿有五人經世大典成書者二十人

多分四人名言

1

疑子鉉不能無介然於其中者余讀周官書古者問有 鄉先生凡朝夕有教馬歲時屬民飲酒則為之俱介自 塾以鄉大夫士里居者為左右帥或曰父師少師或曰 スニンシュ **鈍尚盆思所以報稱哉** 門左席於尊東所以考德問業刑善而勘賢也今一 乃往為之師則朝廷之待吾子鉉者可謂厚之至也子 人其母五家之問益不知其幾龍泉又子鼓之鄰邑 こふう 縣既不足以酬其勞又不足以展其才或 江西道志 ナナナ 縣

泛溪流行數里得仙巖自舟中仰望峭壁萬仞衆巖棋 中俯觀流水然或隱或顯意非飛仙不能到也然者雖 信之貴溪南行八十里至龍虎山余嘗從漁者買小舟 布如轆轤酒瓮仙倉仙棺不可枚數有三人者同坐嚴 順中居民係長綆大樹上縣竹籠坐一人其中稍至仙 極力攀緣至絕頂僅可俯窺而石磴嵌空終莫能即 棺嚴前以長鉤鉤二棺墜溪水中棺皆楠木所製 仙巖圖序 至

多元

匹库石量

卷一百

顛甚平曠浮圖師架嚴為宫室復登舟行數里至桃源 縞練飛而雷霆吼入 洞中可坐雖疾趨衣巾必沾湮至 太史范先生嘗為之記及舎舟入山造演法觀漢張天 境耶緣藤蘿而上有大嚴可容數百人盆折而上至其 馬余當辨之先時河水為患矣其横流泛濫惡得至此 師 中有玉連環而已或云堯時民避水其上故其遺蹤存 鍊丹處猶髣髴可見又有水簾洞者瀑流寫厓上若

欠已日中户的

3

江西道志

鄒尊嚴亂石為門扉中多黃精薯讀蹲鴻之類鄒等者

知返也 師求余識之因序所當遊者而自惜其汨沒世事而不 之外莫可測度興之所至不問姓名亦漫與之否則雖 時寫山水有奇趣若武夷匡盧恒岱華不注諸山數為 余圖之而仙巖者又嘗所坐卧其間者也然其人遊方 無因而至方壺生學道於龍虎心迹超邁不污塵垢時 古仙人也大抵千嚴萬壑草木秀潤非逃世好奇之士 一筆不輕與紫陽王君達善得其所寫仙嚴圖寄至京

多けでたとう

卷一百三十

とこうられない 夫豈易言哉今夫梓匠輪與猶有俟乎規矩準繩而後 按令式命為學官君持其書使余殺之嗟乎經邦之道 補於當世薦於朝集賢翰林兩院校其書亦以為善乃 其後則君自為論斷以發明之監察御史以君所著有 任兼聽寡欲各引經史於其端而證以國朝名臣之事 經邦軌轍十卷臨江郭君慶傳之所著也其目則十有 二曰格君進賢恤民正已守法勉學去邪絕私識量職 經邦軌轍序 江西通志 六十九

然而藏諸有司而己君雖受官以去猶宜繕寫進於延 乎哉今皇上嗣大歷服勲賢並用君所著書適際其會 所係豈可以不學無術者茍充其位使陰陽不和水旱 不皆然後之經邦者不求昔人之軌縣而遵行之其可 **济至社稷其有不至於危亡者乎傳說之告其君有事** 閱頒示羣臣俾公卿百官咸知經綸邦家具有成法 不師古之戒周公有兼三王施四事之思古之聖賢莫 可以作室制器況於身居輔獨疑丞之地廢與治亂之

多分 四月

白量

多著奇效乃作祠宇於宛平之西山開平之南屛山以 機大界最為親幸且通秘術行師用兵之際役使鬼神 用而山川百靈岡不率職方是時常山劉文正王以沈 祀太乙六丁之神俱號曰靈應萬壽宮常山王既薨嗣 世祖皇帝受命自天非獨一時豪傑文武異才並為之 旦舉而指之宜不至於曠官而敗事則君著書之功何 計也 送郭真人還玉笥山序 工西通志

初第六代真人毛君退林於龍虎山杜門簡絕人事係 戒嚴真人魔眉皓首深居林壑時人望之己若古仙異 契於老子之旨為詩歌以送之而屬余為之我益至順 年四月己母朔今皇帝勅玉笥山道士郭君宗純為第 風盆邈不可攀矣名卿大夫士聞真人之知止自足有 居之者非操履貞白明於道術者不得與兹選至元五 人未易押習既十年乃言於朝將歸隱於故山則其高 八代祭通真人降聖書寵嘉之其所館兩都靖治所在

欽定匹库全書

卷一百三十六

者及今觀郭君之歸後世將益羨遁祠之多賢也惟其 然自得余固已數其浮遊塵埃之表非世俗所能汨沒 與起者與不然何其去就之從容如此哉 てこり百八十 京南功名然後心無所累而可交於神明吾於 公之爵然處之泊如也二君子無乃聞其風而 案抑常山王初嘗寄迹方外及其遭逢聖明 江西通志 ナナナ

多分四月 台書 江西通志卷一百三十六 卷一百 三十六